



SAKSFRAMLEGG

Sakshandsamar: Marianne Soleng	Arkivkode: FE-033
Arkivsaksnr: 22/126	Løpenr: 22/1409
Sakstype: Politisk sak	

SAKSGANG

Styre, utval, komité m.m.	Møtedato	Saksnr
Kommunestyret	24.02.2022	002/2022

Faste saker

24.02.2022 Kommunestyret:

Handsaming i møtet:

Eventuelle merknader til protokollen frå førre møte:

Ingen merknader.

Ordføraren orienterer:

Folkevaldopplæring

Øyvind Røen (Sp) viste til at den planlagde folkevaldopplæringa 24.02.2022 vart avlyst grunna smittesituasjonen i kommunen. Ny dato for denne opplæringa blir truleg 28.04.2022.

Presentasjon av ny rådmann

Øyvind Røen (Sp) ønska nyttilsett rådmann Ove Sæbø velkommen til kommunen.

Eigarmøte i BIR

Øyvind Røen (Sp) orienterte om eigarmøte i BIR, som han deltok på 18.02.2022. Leiinga i BIR ønskjer å koma til Samnanger og møta kommunestyret.

Presentasjon frå Havforskningsinstituttet

Presentasjon ved seniorforskar Ørjan Carlsen.

Rådmannen orienterer:

Utbygging av breiband

Rådmann Ove Sæbø orienterte om status for utbygging av høghastigheits breiband. Orienteringa gjaldt dei områda som kommunen har fått tilsegn om tilskotsmidlar til i fylkeskommunen sine søknadsrundar i 2020 og 2021.

Møte med Haraldsplass

Rådmann Ove Sæbø informerte om møte med Haraldsplass diakonale sjukehus.

Koronasituasjonen

Rådmann Ove Sæbø orienterte om at situasjonen er svært krevjande for fleire av dei kommunale tenestene, som følgje av høgt sjukefråvær. Han orienterte også om kva konsekvensar dette har fått så langt, og kan få vidare.

Lansering av chatboten "Kommune-Kari"

Einingsleiar innbyggjarservice, Meline Heimdal Haugland, orienterte om at chatboten "Kommune-Kari" snart vil bli lansert på kommunen si heimeside. Dette er eit fellesprosjekt for kommunar i IKT Nordhordland.

Meiroppe bibliotek

Einingsleiar innbyggjarservice, Meline Heimdal Haugland, orienterte om at meiroppe bibliotek vil starta opp i løpet av våren 2022.

Pandemisituasjonen i helse og omsorg

Sektorleiar helse og omsorg, Janne Drevsjø, orienterte om at situasjonen no er svært krevjande i pleie- og omsorgstenestene, grunna høgt smittetrykk og sjukefråvær. Ho orienterte også om at dei tilsette stiller opp på ein imponerende måte.

Pandemisituasjonen i sektor for oppvekst

Sektorleiar oppvekst, Bodil H. Øpstebo, orienterte om at situasjonen er krevjande i barnehagane, med høgt sjukefråvær. Situasjonen er noko betre ved skulane.

Rekneskapsresultat for 2021

Økonomisjef Karl Viken orienterte om resultatet for 2021. Netto driftsresultat ser ut til å bli 4,8 %. Disposisjonsfondet var på om lag 20 millionar kroner ved utgangen av 2021. Han orienterte også om driftresultatet for dei ulike sektorane/einingane/tenesteområda, samt om gjeld, investeringar m.m.

Forskotteringsmidlar Ytre-Tysse

Økonomisjef Karl Viken orienterte om status for refusjon av forskotteringsmidlar brukt til miljøgateprosjektet på Ytre-Tysse. Kommunen har forskottet 1,7 millionar kroner i dette prosjektet, men har enno ikkje fått refundert desse midlane. Prosjektet vart avslutta 2011. Administrasjonen er no i dialog med fylkeskommunen om saka.

Tilskotsordning - straumstøtte til frivillige lag og organisasjonar

Økonomisjef Karl Viken orienterte om ordninga som styresmaktene nyleg har vedteke. Det er enno ikkje avklart kor mykje midlar Samnanger kommune vil få til fordeling.

Utvalet sitt kvarter:

Spørsmål om bruk av midlar frå arv til Samnangerheimen

Karl Bård Kollbotn (Frp) spurde om statuttar for bruken av midlar frå arv til Samnangerheimen. Rådmann Ove Sæbø svara.

Beredskapslager av jodtablettar

Gunn Totland Moss (KrF) viste til brev frå 2018 og spurde om status for jodtablettar i kommunen. Rådmann Ove Sæbø bad om å få koma tilbake med svar seinare.

Spørsmål om bruk av midlar frå arv til Samnangerheimen

Monica Tjønnå (Sp) spurde om midlar frå arven er brukt til "røykebu". Rådmann Ove Sæbø bad om å få koma tilbake med svar i neste møte.

Badestrand på Ytre-Tysse

Monica Tjønnå (Sp) viste til VA-arbeidet kommunen for tida held på med på Ytre-Tysse, og foreslo at kommunen i samband med dette kontaktar Bergen og Omland Friluftsråd (BOF) med tanke på moglegheit for tilrettelegging av strandområdet i Bakkafjæra. Knut Harald Frøland (Bl) orienterte om at han kan ta kontakt med BOF om dette.

KS- 002/2022 Vedtak:

Orienterings-/referatsaker vert tekne til orientering.

Rådmannen sitt framlegg til vedtak:

- Orienterings-/referatsaker vert tekne til orientering.

Oversikt over faste saker:

Eventuelle merknader til protokoll frå førre møte.

Orienterings-/referatsaker.

Utvalet sitt kvarter.